

Von anderer Hand: Nota mit den birn zcu brauwinn, das heldet man noch, sunder mit dem brotte zcusetzinn, das heldet man nicht, man heldet der stat wilkore, das ein eczlicher becker, dem syn brot wirt gesaczt, sal einen manden syn wergk geleit werdin vnde dornoch sal eß zcum rate stehen, ap er wedder backen sal.

Nach dem Stadtbuch fol. 48 im Rathsarchiv zu Leipzig.

No. 227. 1444.

Anno domini 2c. XLIIII^{to} hat myn herre herczog Friderich Peter Ilburg burger zu Ilburg vnd sinen rechten libeslehinscrben zcu lehengut gelihen IIII acker ard landes fur dem Grymmischen thore der stat Lipczk nahe bii sent Johannis spittal gelegen 2c. Testes er Bernhard von Kochperg hofemeister, er Johans Magdeburg canczler vnd ander gnug gloubwirdiger. Actum et datum Wissensuels anno uts.

Nach dem Cop. 43. fol. 148 im K. Haupt-Staatsarchiv zu Dresden. Vgl. No. 71.

No. 228. Zwischen 1444 und 1446.

Feuer- und strassenpolizeiliche Anordnungen des Raths.

Der rat ist ein wurden durch gemeynes nuezes willen vnde der stat sunderlichen zcu fromen geratslaget.

Zcum ersten, daz eyn ydermann in der stat wonhafftig sal nymande husen adir herbergen, er wulle danne vor on gut sin. Item wer mittehuser vnde dorynne hußgnossen hat, der sal sye bekennen vnd auch gut dauor sin, vnde sal syne furstete¹⁾ vnde furmure bewaren vnde befesten. Item eß sal eyn itzlicher behueter habin in synem huße czwu lange leitern, eyne schuffen; wer schindel dach hat, daz der in synem huße czwu lange crucken habe, daz er domitte, ap daz not sin wurde, die schindeln abe zcu stossen . . . Item eß sullen itzliche bornmeister in itzlichen gossen, do borne sin, eyne sleiffe vnde doruffe eyn vas, dor yn eyn virtel wassers gehin magk, haben, daz vas lassen zcudecken; vnde daz vas vnde sleiffe sal geschlossen werden an den borne. Item so sal iczlicher beerbiter burger eynen langen czobir mit eyner stange steticlichen in synem huße vnde auch uff synem sollern vol wassers haben, ap fur ußqweme, do got uor sie, daz man deste ehir mit dem wasser zcu dem fure qweme vnde auch eyn ydermann deste sicherlicher were. Item ap fur ußqweme, daz got nicht enwolle, were denne der erste dar czu dem fure qweme mit der sleiffe vnde daz vas uol wassers, dem sal man geben X gr. vnde [dem] ersten mit trageczobern IIII gr., deme andern mit der sleiffe VI gr., vnde were sust qweme vnd brechte wasser in czobern adir sleiffen, wie vil der were, denn sal der rat IIII gr. geben. Item welch vnbesessen man addir lediger geselle, wenne fur ußqweme,

1) Or. *vorstete*.